

第二六八冊

明倫彙編

官常典

勳爵部

三十一
(卷)

古今圖書集成

中華書局影印

古今圖書集成

卷一百一十五



欽定古今圖書集成明倫彙編官常典

第一百三十一卷目錄

勳爵部彙考三

漢一總一則 高帝九則 高帝四則 高后



官常典第一百三十一卷

勳爵部彙考三

漢一

漢承秦制爵二十等至徹侯以賞功國置相家丞門

大夫庶子

按漢書百官表爵一級曰公士

註 師古曰言有爵命異於士卒故稱公士也

二上造

註 師古曰造成也言有成命於上也

三簪裹

註 師古曰以組帶馬曰簪裹者言飾此馬也

四不更

註 師古曰言不豫更卒之事也

五大夫

註 師古曰列位從大夫

六官大夫七公大夫

註 師古曰加官公者示稍尊也

八公乘

註 師古曰言其得乘公家之車也

九五大夫

註 師古曰大夫之尊也

十左庶長十一右庶長

註 師古曰庶長言為衆列之長也

十二左更十三中更十四右更

註 師古曰更言主領更卒部其役使也

十五少上造十六大上造

註 師古曰言皆主古造之士也

十七駟車庶長

註 師古曰言乘駟馬之車而為衆長也

十八大庶長

註 師古曰又更尊也

十九關內侯

註 師古曰言有侯號而居京畿無國邑

二十徹侯

註 師古曰言其爵位上通天子

皆秦制以賞功勞徹侯金印紫綬武帝諱曰通侯

或曰列侯改所食國令長名相又有家丞門大夫庶子

按杜氏通典漢初論功封列侯者凡百四十有三人

註 蕭何為冠

外戚與定天下侯者二人凡列侯金印紫綬大者食

縣小者食鄉亭得臣其所食吏民凡皇帝之女為公

主皆列侯尚之

註 國制王姬下嫁於諸侯以同姓諸侯主之公者

諸侯之尊稱故為之公主後漢荀爽上疏曰漢承

秦法設尚主之儀以妻制夫以卑臨尊者宜改尚主之制以稱乾坤之位

列侯國有相

註 改所食國令長為之漢初侯王有丞相兼有相

國按史周勃破燕王盧綰得相國一人丞相二人

景帝省之

高帝二年以張良為成信侯韓太尉信為韓王

按漢書高祖本紀初項梁立韓後公子成為韓王張

良為韓司徒羽以良從漢王韓王成又無功故不遣

就國與俱至彭城殺之及聞漢王并關中而齊梁畔

之羽大怒乃以故吳令鄭昌為韓王距漢二年冬十

月張良自韓間行歸漢漢王以為成信侯使韓太尉

韓信擊韓韓王鄭昌降十一月立韓太尉信為韓王

高帝四年立張耳為趙王韓信為齊王黥布為淮南

王封侯公為平國君

按漢書高祖本紀四年冬十一月漢立張耳為趙王

韓信已被齊使人言曰齊邊楚權輕不為假王恐不

能安齊漢王怒欲攻之張良曰不如因而立之使自

為守春二月遣張良操印立韓信為齊王秋七月立

黥布為淮南王八月漢遣陸賈說項羽請太公羽弗

聽漢復使侯公說羽羽乃與漢約中分天下割鴻溝

以西為漢以東為楚九月歸太公呂后軍皆稱萬歲

乃封侯公為平國君 按韓信傳韓信平齊使人言

漢王曰齊夸詐多變反覆之國南邊楚不為假王以

鎮之其勢不定今權輕不足以安之臣請自立為假

王當是時楚方急圍漢王於滎陽使者至發書漢王

大怒罵曰吾困於此日暮望而來佐我乃欲自立為

王張良陳平伏後躡漢王足因跗耳語曰漢方不利寧能禁信之自王乎不如因立善遇之使自爲守不然變生漢王亦悟因復罵曰大丈夫定諸侯卽爲真王耳何以假爲遣張良立信爲齊王徵其兵使擊楚項王恐 按張耳傳陳餘襲常山王耳耳敗走謁漢王漢王厚遇之四年夏立耳爲趙王五年秋耳薨諡曰景王子敖嗣立 按蘇布傳四年秋七月立布爲淮南王十一年布反番陽人殺布茲鄉

按異姓諸侯王表五年十二月乙丑耳薨子敖嗣爲王按張良祖時以十月爲歲首則年表所紀是而耳耳薨恐悞

高帝五年封項伯等四人爲列侯賜姓劉氏更封韓信爲楚王封彭越爲梁王立吳芮爲長沙王亡諸侯閩粵王賜有功軍吏爵拜妻敬爲奉春君封盧縮爲燕王

按漢書高祖本紀五年冬十二月灌嬰追斬羽東城楚地悉定封項伯等四人爲列侯賜姓劉氏春正月下令曰楚地已定義帝無後欲存恤楚衆以定其主齊王信習楚風俗更立爲楚王王淮北都下邳魏相國建城侯彭越勤勞魏民卑下士卒常以少擊衆數破楚軍其以魏故地王之號曰梁王都定陶二月甲午漢王卽皇帝位詔曰故衡山王吳芮與子二人兄子一人從百粵之兵以佐諸侯誅暴秦有大功諸侯立以爲王項羽侵奪其地謂之番君其以長沙豫章象郡桂林南海立番君芮爲長沙王又曰故粵王亡諸世奉粵祀秦侵奪其地使其社稷不得血食諸侯伐秦亡諸身帥閩中兵以佐滅秦項羽廢而弗立今

以爲閩粵王王閩中地勿使失職帝乃西都洛陽夏五月兵皆罷歸家詔曰諸侯子在關中者復之十二歲其歸者半之民前或相聚保山澤不書名數今天下已定令各歸其縣復故爵田宅吏以文法教訓辨告勿咎辱民以饑餓自賣爲人奴婢者皆免爲庶人軍吏卒會赦其亡罪而亡爵及不滿大夫者皆賜爵爲大夫故大夫以上賜爵各一級其七大夫以上皆令食邑非七大夫以下皆復其身及戶勿事又曰七大夫公乘以上皆高爵也諸侯子及從軍歸者甚多高爵吾數詔吏先與田宅及所當求於吏者亟與爵或人君上所尊禮久立吏前曾不爲決甚亡謂也吳日秦民爵公大夫以上令丞與亢禮今吾於爵非輕也吏獨安取此且法以有功勞行田宅今小吏未嘗從軍者多滿而有功者顧不得背公立私守尉長吏教訓甚不善其令諸吏善遇高爵稱吾意且廉問有不如吾詔者以重論之戌卒妻敬求見說上曰陛下取天下與周異而都雒陽不便不如入關據秦之固上以問張良良因勸上是日車駕西都長安拜妻敬爲奉春君賜姓劉氏秋七月燕王臧荼反自上將征之九月虜荼詔諸侯王視有功者立以爲燕王荆王臣信等十人皆曰太尉長安侯盧縮功最多請立以爲燕王

高帝六年降封韓信爲淮陰侯始剖符大封功臣以蕭何爲第一曹參等皆爲通侯 按漢書高祖本紀六年冬十月人告楚王信謀反上問左右左右爭欲擊之用陳平計乃偽遊雲夢十二月會諸侯於陳楚王信迎謁因執之詔曰天下旣安

豪傑有功者封侯新立未能盡圖其功身居軍九年或未習法令或以其故犯法大者死刑其甚者其赦天下上還至雒陽赦韓信封爲淮陰侯甲申始剖符封功臣曹參等爲通侯春正月壬午以太原郡三十一縣爲韓國徙韓王信都晉陽上已封大功臣三十餘人其餘爭功未得行封上居南宮從復道上見諸將往往稱語以問張良良曰陛下與此屬共取天下今已爲天子而所封皆故人所受所誅皆平生讎怨今軍吏計功以天下爲不足用徧封而恐以過失及誅故相聚謀反耳上曰爲之奈何良曰取上素所不快計羣臣所共知最甚者一人先封以示羣臣三月上置酒封雍齒因趣丞相急定功行封罷酒羣臣皆喜曰雍齒且侯吾屬亡患矣 按蕭何傳漢五年已殺項羽卽皇帝位論功行封羣臣爭功歲餘功不決上以蕭何功最盛先封爲都侯食邑八千戶功臣皆曰臣等身被堅執兵多者百餘戰少者數十合攻城略地大小各有差今蕭何未有汗馬之勞徒持文墨議論不戰顧居臣等上何也上曰諸君知獵乎曰知之知獵狗乎曰知之高帝曰夫獵追殺獸者狗也而發縱指示獸處者人也今諸君徒能走得獸耳功狗也至如蕭何發縱指示功人也且諸君獨以身從我多者三兩人今蕭何舉宗數十人皆隨我功不可忘也羣臣後皆莫敢言列侯畢已受封奏位次皆曰平陽侯曹參身被七十創攻城略地功最多宜第一上已統功臣多封何至位次未有以復難之然心欲何第一關內侯鄂千秋時爲謁者進曰羣臣議皆誤夫曹參雖有野戰略地之功此特一時之事天上與

楚相距五歲常失軍亡衆跳身逃者數矣然蕭何常從關中遣軍補其處非上所詔令召而數萬衆會上乏絕者數矣夫漢與楚相守榮陽數年軍無見糧蕭何轉漕關中給食不乏陛下雖數亡山東蕭何嘗全關中待陛下此萬世功也今雖亡曹參等百數何缺於漢漢得之不必待以全奈何欲以一旦之功而加萬世之功哉蕭何當第一曹參次之上曰善於是乃令何第一賜帶劍履上殿入朝不趨上曰吾聞進賢受上賞蕭何功雖高待鄂君乃得明於是因鄂千秋故所食關內侯邑二千戶封爲安平侯是日悉封何父母兄弟十餘人皆有食邑乃益封何二千戶以常

功臣良未嘗有戰關功高帝曰運籌策帷幄中決勝千里外子房功也自擇齊三萬戶良曰始臣起下邳與上會留此天以臣授陛下陛下用臣計幸而時中臣願封留足矣不敢當三萬戶乃封張良爲留侯與蕭何等俱封上已封大功臣二十餘人其餘日夜爭功而不決未得行封上居維陽南宮從復道望見諸將往往數人偶語上曰此何語良曰陛下不知乎此謀反耳上曰天下屬安定何故而反良曰陛下起布衣與此屬取天下今陛下已爲天子而所封皆蕭曹故人所親愛而所誅者皆平生仇怨今軍吏計功天下不足以徧封此屬畏陛下不能盡封又恐見疑過失及誅故相聚而謀反耳上乃愛曰爲將奈何良曰上平生所憎羣臣所共知誰最甚者上曰雍齒與我有故怨數嘗辱我我欲殺之爲功多不忍良曰今急先封雍齒以示羣臣羣臣見雍齒先封則人人自

堅矣於是上乃置酒封雍齒爲什方侯而急趣丞相御史定功行封羣臣罷酒皆喜曰雍齒且侯我屬無患矣按功臣表曹參以中涓從起沛至霸上侯以將軍入漢以假左丞相定魏齊十二月以右丞相封爲平陽侯食邑萬六千戶十二年薨諡懿侯子宙嗣

注師古曰中涓親近之臣若謁者舍人之類也涓潔也主居中掃灑也孟康曰曹參位第二而表在首蕭何位第一而表在十三表以封前後故也

斬欽以中涓從起宛胸入漢以騎都尉定三秦擊項籍別定江漢十二月封爲信武侯食邑五千三百戶九年薨諡肅侯子亭嗣

夏侯嬰以今史從降沛爲太僕常奉車竟定天下及全皇太子魯元公主十二月封爲汝陰侯食邑六千九百戶三十年薨諡文侯子竈嗣王吸以中涓從起豐至霸上爲騎郎將入漢以將軍擊項籍十二月封爲清河侯食邑二千二百戶二十二年薨諡定侯子彊嗣傳寬以舍人從起橫陽至霸上爲騎將入漢定三秦屬淮陰定齊爲齊丞相十二月封爲陽陵侯食邑二千六百戶十二年薨諡景侯子清嗣名歐以中涓從起沛至霸上爲連敖入漢以騎將定燕趙得燕將軍十二月封爲廣嚴侯食邑二千二百戶二十三年薨子勝嗣薛歐以舍人從起豐至霸上爲郎入漢以將軍擊項籍將鍾離昧十二月封爲廣平侯食邑四千五百戶十四年薨諡敬侯子山嗣陳淳以舍人從起以刺客將入漢以都尉擊項羽榮陽絕甬道殺追士卒十二月封爲博陽侯三十年薨諡嚴侯子塞

嗣陳嬰以自定東陽爲將屬楚項梁爲楚柱國四歲項羽死屬漢定豫章浙江都漸定自爲王壯息十二月封爲堂邑侯食邑六千八百戶八年薨諡安侯子祿嗣陳平以故楚都尉漢王二年初起修武爲都尉以護軍中尉出奇計定天下十二月封爲曲逆侯食邑五千戶二十四年薨諡獻侯子買嗣張良以底將從起下邳以韓申都下韓入武關設策降秦王嬰解上與項羽陳請漢中地常爲計謀正月封爲留侯食邑萬戶十六年薨諡文成侯子不疑嗣劉繆兵初起與諸侯共擊秦爲楚左令尹漢王與項有隙於鴻門繆解難以破羽降漢正月封爲射陽侯孝惠三年薨子雖有罪不得代

注師古曰繆即項伯也射字或作貰者後人改也蕭何以客初從入漢爲丞相守蜀及關中給軍食佐定諸侯爲法令宗廟正月封爲酈侯食邑八千戶九年薨諡文終侯子祿嗣周勃以中涓從起沛至霸上爲侯定三秦食邑爲將軍入漢定隴西擊項籍守峽關定泗水東海正月封爲絳侯食邑八千一百戶十二年薨諡武侯子勝之嗣樊噲以舍人起沛從至霸上爲侯以郎入漢定三秦爲將軍擊項籍再益封從破燕執韓信正月封爲舞陽侯食邑五千戶十三年薨諡武侯子伉嗣鄒商以將軍從起岐攻長社以南別定漢及蜀定三秦擊項籍正月封爲曲周侯食邑四千八百戶二十二年薨諡景侯子寄嗣淮嬰以中涓從起碭至霸上爲昌文君入漢定三秦食邑以將軍屬韓信定齊淮南及八邑殺項籍正月封爲潁陰侯食邑五千戶二十六年薨諡懿侯子何嗣周昌初

起以職志擊秦入漢出關以內史堅守敖倉以御史大夫正月封汾陰侯十年薨諡悼侯子開方嗣

注如淳曰職志官名主旗幟也師古曰志音式吏反

武虎兵初起以謁者從擊秦入漢定三秦出關以將軍擊定諸侯正月封為梁鄉侯比博陽侯食邑二千八百戶十一年薨諡孝侯子最嗣董濂初起以舍人從擊秦為都尉入漢定三秦出關以將軍定諸侯正月封為成侯食邑二千八百戶七年薨諡敬侯子赤嗣孔聚以執盾前元年從起碭以左司馬入漢為將軍三以都尉擊項籍屬韓信正月封為蓼侯三十年薨諡夷侯子臧嗣陳賀以舍人前元年從起碭以左司馬入漢用都尉屬韓信擊項籍為將軍定會稽浙江湖陵正月封為費侯二十二年薨子常嗣陳稀以特將將卒五百人前元年從起宛胸至霸上為遊擊將軍別定代破賊荼正月封為陽夏侯十年以趙相國反自為王十二年誅周竈以卒從起碭以連敖入漢以長鉅都尉擊項籍正月封為隆慮侯三十九年薨諡克侯子通嗣

注如淳曰連敖楚官號

丁復以越將從起薛至霸上以樓煩將入漢定三秦屬周呂侯破龍且彭城為大司馬破項籍葉為將軍忠臣正月封為陽都侯食邑七千八百戶十九年薨諡敬侯子寧嗣呂青以漢五年用令尹初從功比堂邑侯正月封陽信食邑一千戶十年薨諡胡侯子臣嗣郭蒙以扈衛起薛屬周呂侯破秦軍扛里陷楊熊軍曲遇入漢為城將定三秦以都尉堅守敖倉為將

軍破項籍正月封為東武侯食邑三千戶十九年薨諡貞侯子它嗣雍齒以趙將前三年從定諸侯功比平定侯三月封汁防食邑二千五百戶九年薨諡肅侯子鉅鹿嗣雍齒故沛豪有力與上有隙故晚從陳武以將軍前元年將卒二千五百人起薛別救東阿至霸上三歲十月入漢擊齊歷下軍臨菑三月封為棘蒲侯孝文後元年薨諡剛侯子奇反誅不代朱軫以舍人前元年從起沛以隊師先降翟王虜章邯三月封為都昌侯十四年薨諡嚴侯子率嗣嚴不職以舍人從起沛至霸上以騎將入漢還擊項籍屬丞相甯功封侯用將軍擊彭布三月封為武彊侯二十年薨諡嚴侯子嬰嗣合傳胡書以越戶將從破秦入漢定三秦以都尉擊項籍三月封為黃侯食邑六百戶功比臺侯二年薨諡齊侯子方山嗣搖母餘以越隊將從破秦入漢定三秦以都尉擊項籍三月封為海陽侯食邑千七百戶九月薨諡齊侯子昭襄嗣宣虎以河南將軍漢王三年降晉陽以重將破賊荼三月封為南安侯食邑九百戶三十年薨諡嚴侯子戎嗣蔡寅以魏太僕漢王三年初從以車騎將軍破龍且及彭城三月封肥如侯食邑千戶二十四年薨諡敬侯子戎嗣蟲達以西城戶將三十七人從起碭至霸上為執金吾五年為二隊將周呂侯入漢定三秦以都尉破項籍陳下三月封為曲成侯食邑四千戶以將軍擊燕代二十二年薨諡閼侯子捷嗣陳涓以卒前元年起碭從以二隊將入漢擊項籍得梁郎將處三月封為河陽侯以丞相定齊二十二年薨諡嚴侯子信嗣韓信初以卒從項梁梁死屬項羽為郎中

至咸陽亡從入漢為連敖黑客蕭何言信為大將軍別定魏越為齊王徙楚坐擅發兵廢為淮陰侯十一年坐謀反誅

注師古曰高紀及信傳並云為治粟都尉而此云票客參錯不同或者以其票疾而賓客禮之故云票客也

彭越以門尉前元年初起碭至霸上為定武君入漢還定三秦為都尉擊項羽功封芒侯三年薨子昭嗣閻澤亦以執盾初起從入漢為河上守遷為殷相擊項籍功比平定侯四月封敬市史記作食邑千戶三年薨子無害嗣戎賜以連敖從起薛以三隊將入漢定三秦以都尉破項籍軍為將軍六月封為柳丘侯食邑八千戶十八年薨諡齊侯子安國嗣周止以舍人從起沛以郎中入漢為周信侯定三秦以為騎郎將破項籍東城六月封為魏其侯食邑千戶十八年薨諡嚴侯子簡嗣繪賀以執盾漢王三年初起從晉陽以連敖擊項籍漢王敗走賀擊楚追騎以故不得進漢王顧謂賀王戰彭城斬項籍爭惡絕延壁六月封為祁侯食邑千四百戶二十三年薨諡毅侯子胡嗣

注師古曰謂之祁王蓋嘉其功故寵號之許以為王也爭惡謂爭惡地延壁壁壘之名也

工師喜初以舍人從擊破秦以郎中入漢以將軍定諸侯守雒陽六月封為平侯食邑千二百戶六年薨諡悼侯子奴嗣奚涓以舍人從起沛至咸陽為郎入漢以將軍定諸侯功比舞陽侯封魯食邑四千八百戶六年薨涓無子封母底為重平侯十九年薨尹恢

初以謁者從入漢以將軍擊定諸侯以右丞相備守淮陽功比厥次侯封城父食邑二千戶九年薨諡嚴侯子開方嗣張越以騎都尉漢五年從起東垣擊燕代屬雍齒有功爲車騎將軍封爲任侯高后三年有罪免戶七百五十襄以執盾除史前元年從起碭破秦以治粟內史入漢以上郡守擊定西魏地功封爲棘丘侯高后元元有罪免戶九百七十郭亭以連敖前元年從起單父以塞路入漢還定三秦屬周呂侯以都尉擊項籍功七月封爲河陵侯二十四年薨諡項侯子歐嗣

注師古曰塞路者主塞要路以備敵寇也

單究初以舍人從以郎入漢定三秦以郎騎將軍擊諸侯功比魏其侯七月封昌武食邑九百戶十三年薨諡靖侯子如意嗣丙猜初以客從入漢定三秦破項籍比斤丘侯七月封高宛食邑千六百五戶七年薨諡制侯子得嗣丁義以卒從起雷以騎將入漢定三秦破項籍軍榮陽爲郎騎將破鍾離昧軍固陵七月封爲宜曲侯食邑六百七十戶二十二年薨諡齊侯子通嗣華母害以越將從起雷入漢定三秦擊臧荼七月封爲終陵侯食邑七百四十戶從攻馬邑及布三十五年薨諡齊侯子勃嗣劉到以舍人從起碭至霸上以二隊入漢定三秦以都尉擊項籍破臧荼八月封爲東茅侯捕韓王信爲將軍益邑千戶二十四年薨諡敬侯子吉嗣唐厲以舍人初從起豐以左司馬入漢以亞將攻籍却敵爲東都都尉破籍侯成武爲漢中尉擊布八月封爲斥丘侯食邑千戶二十十年薨諡懿侯子朝嗣

注師古曰初爲成武侯後更封斥丘也

戴野以舍人從起碭用除帥入漢以都尉擊籍籍死擊臨江屬將軍賈功八月封爲臺侯以將軍擊燕代二十五年薨諡定侯子午嗣王陵以自聚黨定南陽漢王還擊項籍以兵屬從定天下八月封爲安國侯食邑五千戶二十一年薨諡武侯子忌嗣丁禮以中涓騎從起碭爲騎將入漢定三秦爲正奉侯以都尉擊籍屬灌嬰殺龍且八月更封爲樂成侯食邑千戶二十六年薨諡節侯子馬從嗣審食其以舍人初起侍呂后孝惠二歲十月呂后入楚食其侍從一歲封爲辟陽侯二十五年爲淮南王長所殺諡幽侯子平嗣周繇以舍人從起沛至霸上入漢定三秦食邑池陽擊項籍榮陽絕甬道從度平陰遇韓信軍襄國楚漢分鴻溝以縲爲信戰不利不敢難上八月封爲酈成侯食邑三千二百戶二十七年薨諡制侯子昌嗣郭秋以謁者漢王三年初從定諸侯舉蕭何有功八月因故食邑二千戶封爲安平侯十二年薨諡敬侯子嘉嗣張蒼以客從起武陽至霸上爲常山守得陳餘爲代相從趙相以代相八月封爲北平侯食邑千二百戶五十年薨諡文侯子奉嗣陳夫乞以卒從起扛里入漢以都尉擊項籍定燕封高胡侯食邑千戶二十五年薨子程嗣愛類以慎將元年從起雷入漢以都尉守廣武功封厭次侯二十二年薨子某嗣

注師古曰慎將以謹慎爲將也

按外戚恩澤侯表呂澤以客從入漢定三秦將兵下碭漢王敗彭城往從之佐定天下正月封爲周昌侯三年薨諡令武侯子台嗣呂釋之以客從擊秦漢王

入漢使釋之歸豐衛太上皇四月封爲建成侯九年薨諡康侯子則嗣

高帝七年復封功臣劉它等爲通侯

按漢書高祖本紀不載按功臣表劉它以碭郡長初從功比軫侯十月封爲平阜侯食邑五百八十戶實項氏賜姓劉十年薨諡煬侯子遠嗣陳胥以卒從起薛以將軍入漢以右司馬擊項籍十月封爲復陽侯食邑千戶三十一年薨諡剛侯子嘉嗣其石以中謁者從入漢以郎中騎從定諸侯十一月封爲陽河侯食邑五百戶三年薨諡齊侯子安國嗣許益以駢鄰從起昌邑以說衛入漢以中尉擊項籍十月封爲相至侯食邑千戶二十年薨諡靖侯子祿嗣

注師古曰二馬曰駢駢鄰謂並兩騎爲軍翼也說讀曰稅衛謂軍行初舍止之時主爲衛也

呂馬童以郎騎將漢元年從好時以司馬擊龍且復共斬項籍正月封爲中水侯食邑千五百戶三十年薨諡嚴侯子瑕嗣王翥以中郎騎漢王二年從起下邳屬淮陰侯從灌嬰共斬項羽正月封爲杜衍侯食邑千七百戶十八年薨諡嚴侯子福嗣楊喜以郎中騎漢王二年從起杜屬淮陰後從灌嬰共斬項籍正月封爲赤泉侯食邑千九百戶封十三年高后元元有罪免二年復封十八年薨諡嚴侯子敷嗣華寄以舍人從起薛入漢以都尉擊項羽攻韓王信三月封爲朝陽侯食邑千戶十二年薨諡齊侯子夷嗣杜得臣以卒從起湖陵入漢以郎將迎左丞相軍擊項籍七月封爲棘陽侯食邑二千戶二十六年薨諡嚴侯子但嗣呂騰以騎士漢王三年從出關以郎中共擊

新項羽功比杜衍侯封涅陽食邑千五百戶孝文五年薨子成實非子不得代林擊以客從起亢父斬章邯所置蜀守用燕相封爲平棘侯食邑千戶二十四年薨諡懿侯子辟疆嗣

高帝八年封功臣趙將夕等爲通侯

按漢書高祖本紀不載 按功臣表趙將夕以趙將漢王三年降屬淮陰侯定趙齊楚以擊平城功十月封爲深澤侯食邑七百戶高后元元有罪免二年復封一年薨諡齊侯子頭嗣溫亦以燕將軍漢王四年從破曹咎軍爲燕相告燕王荼反十月封爲掣侯以燕相國定盧縮食邑千九百戶二十五年薨諡項侯子仁嗣程黑以趙衛將軍漢王三年從起盧奴擊項羽放倉下爲將軍攻臧荼有功十月封爲歷侯食邑千戶十四年薨諡簡侯子釐嗣衛肱漢七年以梁將軍從初起擊韓信陳稀黥布軍功比高陵侯十二月封武原食邑二千八百戶八年薨諡靖侯子寄嗣陳錯史記作錯高祖七年爲將從擊代陳稀有功十二月封爲稟侯食邑六百戶七年薨諡靖侯子嬰嗣許意以漢三年用趙右林將初擊定諸侯功二月封爲朱子侯食邑五百三十六戶四年薨諡惠侯子留嗣陳邀以舍人從起豐入漢以都尉擊項羽三月封爲猗氏侯食邑千一百戶十一年薨諡敬侯子支嗣室中同以將將初起從入漢以都尉擊項羽代侯功三月封爲清侯食邑千戶五年薨諡簡侯子聖嗣曹盼以客吏初起從入漢以都尉擊項籍代侯功三月封爲彊侯食邑千戶三年薨諡圍侯子章復嗣秦同以卒從起薛以將將入漢以都尉擊項羽代侯功三月

封爲彭侯食邑千戶二十二年薨諡簡侯子執嗣楊武以郎中騎將漢元年從起下邳擊陽夏以騎都尉新項羽三月封爲吳房侯食邑七百戶三十二年薨諡嚴侯子去疾嗣魏邀以舍人從楊入漢以都尉擊臧荼功四月封爲寧侯食邑千戶三十五年薨諡嚴侯子連嗣旅卿以齊將軍漢王四年從韓信起無鹽定齊擊項羽又擊韓王信於代六月封爲昌侯食邑千戶三十四年薨諡圍侯子通嗣旅罷師以齊將軍漢王四年從淮陰侯起擊項籍又攻韓王信於平城有功六月封爲共侯食邑千二百戶二十六年薨諡嚴侯子黨嗣馮解散以代大興漢王三年降爲雁門守以將軍平代及寇六月封爲閼氏侯食邑千戶四年薨諡節侯子它嗣

註師古曰大興主爵祿之官

張說以卒從起方與屬魏豹一歲五月以執盾入漢以司馬擊項羽以將軍定代七月封爲安丘侯食邑二千戶三十二年薨諡懿侯子奴嗣紀通父城以將軍從擊破秦入漢定三秦功比平定侯戰好時死事九月封子通爲襄平侯五十二年薨子相夫嗣陳署以卒從漢王起霸上以謁者擊項籍斬曹咎九月封爲龍陽侯食邑千戶十八年薨諡敬侯子堅嗣張贈師以趙騎將從擊諸侯功十二月封爲平侯食邑千五百戶八年薨諡嚴侯子俾嗣須無詔以爲列諸侯自置吏令長受令長沙王三月封爲陸量侯二年薨子桑嗣周成父苛以內史從擊破秦爲御史入漢圍取諸侯守榮陽罵項籍死事四月封子成爲高景侯孝文後五年謀反下獄死鄧弱以長沙將兵四月封

爲離侯吳郢以長沙柱國九月封爲義陵侯食邑千五百戶七年薨子望嗣

高帝九年廢張敖爲宣平侯

按漢書高祖本紀九年冬十二月行如維陽貫高等謀逆發覺逮捕高等并捕趙王敖下獄詔敢有隨王罪三族郎中田叔孟舒等十人自見鉗爲王家奴從王就獄王實不知其謀春正月廢趙王敖爲宣平侯丙寅前有罪殊死以下皆赦之二月行自維陽至賢趙臣田叔孟舒等十人召見與語漢廷臣無能出其右者上說盡拜爲郡守諸侯相 按功臣表張敖父耳爲趙王坐相貫高等謀反廢爲宣平侯十七年薨諡武侯子歐嗣

高帝十年封趙壯士四人各千戶封樂毅孫叔爲華成君

按漢書高祖本紀十年秋九月代相國陳稀反上曰稀嘗爲吾使甚有信代地吾所急故封稀爲列侯以相國守代今乃與王黃等劫掠代地吏民非有罪也能去稀黃來歸者皆赦之上自東至邯鄲上喜曰稀不南據邯鄲而阻漳水吾知其亡能爲矣趙相周昌奏常山二十五城亡其二十城請誅守尉上曰守尉反乎對曰不上曰是力不足亡罪上令周昌選趙壯士可令將者白見四人上嬖罵曰豎子能爲將乎四人慙皆伏地上封各千戶以爲將左右諫曰從入蜀漢伐楚實未徧行今封此何功上曰非汝所知陳稀反趙代地皆稀有吾以羽檄徵天下兵未有至者今計唯獨邯鄲中兵耳吾何愛四千戶不以慰趙子弟皆曰善又求樂毅有後子得其孫叔封之樂鄉號華

成君

高帝十一年立尉它爲南粵王封薛公千戶及張相如等爲通侯

按漢書高祖本紀十一年夏五月詔曰粵人之俗好相攻擊前時秦徙中縣之民南方二郡使與百粵雜處會天下誅秦南海尉它居南方長治之甚有文理中縣人以故不耗滅粵人相攻擊之俗益止俱賴其力今立它爲南粵王使陸賈即授璽綬它稽首稱臣秋七月淮南王布反上問諸將薛公言故楚令尹薛公有籌策上召見薛公言布形執上善之封薛公千戶按功臣表張相如高祖六年爲中大夫以河間守擊陳豨力戰功十二月封爲東陽侯食邑三千三百戶三十二年薨諡武侯子殷嗣樂說淮陰侯韓信舍人告信反十二月封爲慎陽侯食邑三千戶五十二年薨子願嗣陶舍以右司馬漢王五年初從以中尉擊燕代十二月封爲開封侯食邑二千戶一年薨諡愍侯子青嗣公孫昔以卒漢王五年初從以郎中擊代擊陳豨正月封爲禾成侯食邑千九百戶二十一年薨諡孝侯子漸嗣孫赤以中涓從起沛以郎入漢以將軍擊項籍爲惠侯坐守滎陽降楚免復來以郎擊籍爲上黨守擊陳豨正月封爲堂陽侯食邑八百戶九年薨諡哀侯子德嗣高邑以客從起留學以上隊將入漢以將軍擊魏太原共陘屬淮陰侯晷度軍破項籍及豨正月封爲祝阿侯食邑千八百戶二十一年薨諡孝侯子成嗣杜恬以漢王二年用御史初從出關以內史擊諸侯攻項昌以廷尉死事正月封爲長修侯食邑千九百戶四年薨諡平侯子中嗣趙

堯以漢五年爲御史用奇計徙御史大夫周昌爲趙相代昌爲御史大夫從擊陳豨功十一月封爲江邑侯食邑六百戶高后元有罪免劉澤帝從兄弟漢三年爲郎中擊項羽以將軍擊陳豨得正黃十一月封爲營陵侯食邑萬一千戶高后七年爲郾邪王宣義高祖六年爲中地守以廷尉擊陳豨二月封爲土軍侯食邑千一百戶就國後爲燕相七年薨諡武侯子莫如嗣任敖以客從起沛爲御史守豐二歲擊項羽爲上黨守陳豨反堅守二月封爲廣阿侯食邑千八百戶復還爲御史大夫十九年薨諡懿侯子敬嗣趙衍以謁者漢王元年初從起漢中雍軍塞渭上上計欲還衍言從他道道通後爲河間守豨反誅都尉相如功二月封爲須昌侯食邑千四百戶三十二年

薨諡貞侯子福嗣威鯁初從爲郎以都尉守斬城以中尉二月封爲臨轅侯食邑五百戶六年薨諡堅侯子觸龍嗣公上不害高祖六年爲太僕擊代豨有功二月封爲汲侯食邑千三百戶爲趙太僕三年薨諡紹侯子武嗣呂臣以舍人從起留以郎入漢破曹咎成軍爲都尉擊豨功二月封爲寧陵侯食邑千戶二十七年薨諡惠侯子謝嗣斬彊以郎中騎千人前三年從起機陽擊項羽以中尉破鍾離昧軍功三月封爲汾陽侯十一年薨諡嚴侯子解嗣祕彭祖以卒從起沛以卒開沛城門爲太公僕以中庶令擊陳豨功三月封爲戴侯食邑千一百戶十一年薨諡敬侯子憚嗣翟肝以漢王二年爲燕令以都尉下楚九城堅守燕七月封爲衍侯食邑九百戶十二年薨諡簡侯子山嗣昭涉掉尾漢王四年以燕相從擊項籍還擊

臧荼八月封爲平州侯食邑千戶十八年薨諡共侯子種嗣高帝十二年立南武侯織爲南海王詔諭受封功臣毋得背義起兵封單右車等爲通侯

按漢書高祖本紀十二年春二月詔曰南武侯織亦粵之世也立以爲南海王三月詔曰吾立爲天子帝有天下十二年於今矣與天下之豪士賢大夫共定天下同安輯之其有功者上致之王次爲列侯下乃食邑而重臣之親或爲列侯皆令自置吏得賦斂女子公主爲列侯食邑者皆佩之印賜大第室吏二千石徙之長安受小第室入蜀漢定三秦者皆世世復吾於天下賢士功臣可謂亡負矣其有不義背天子擅起兵者與天下共伐誅之布告天下使明知朕意

注 第有甲乙次第也

按功臣表單右車以卒從沛入漢以郎擊布功十月封爲中牟侯食邑二千二百戶始高祖微時有急給高祖馬故得侯二十三年薨諡共侯子繪嗣黃極忠以羣盜長爲臨江將已而爲漢擊臨江王及諸侯破布十月封爲郿侯食邑千戶二十七年薨諡嚴侯子榮成嗣周聚以卒從豐以隊卒入漢擊項籍成阜有功爲將軍布反定吳郡十月封爲博陽侯二十四年薨諡節侯子遼嗣靈常以荆令尹漢五年初從擊鍾離昧及陳公利幾徙爲漢中大夫從至陳取韓信還中尉以擊布十月封爲陽羨侯食邑二千戶十四年薨諡定侯子賀嗣冷耳以客從起沛入漢用兵破齊田解軍以楚丞相堅守彭城拒布軍功十月封爲下相侯食邑二千戶十八年薨諡嚴侯子順嗣王虞人以騎司馬漢王元年從起廢丘以都尉破田橫龍且

追籍至東城以將軍擊布十二月封爲高陵侯食邑九百戶十年薨諡圉侯子弄弓嗣貞赫淮南王英布中大夫告反十二月封爲期思侯食邑二千戶孝文十四年薨諡康侯亡後季必以騎都尉漢二年初起標陽攻破廢丘因擊項籍屬韓信破齊攻臧荼爲將軍擊韓信十二月封爲戚侯食邑千五百戶十六年薨諡圉侯子長嗣馮谿以卒前二年起柘擊籍定代爲將軍功正月封爲穀陽侯十二年薨諡定侯子熊嗣許猜以楚將漢一年降從起臨濟以郎中擊項羽陳稀正月封爲嚴侯食邑六百戶四十年薨諡敬侯子恢嗣奚意以魏郎漢王二年從起陽武擊項籍屬魏王豹豹反從屬相國彭越以太原尉定代正月封爲成陽侯食邑六百戶十六年薨諡定侯子信嗣劉襄以客從漢王二年起定陶以大謁者擊布三月封爲桃侯食邑千戶孝惠七年有罪免二年復封十六年薨諡安侯子舍嗣鄭疥父食其以客從破秦以列侯入還定諸侯常使使約和諸侯說齊王死事子疥二月封爲高梁侯十三年薨諡共侯子勃嗣陳倉以中涓從起豐以騎將入漢以將軍擊項籍後攻盧縮六月封爲紀信侯食邑七百戶十年薨諡匡侯子開嗣王競以車司馬漢元年初從起高陵屬劉賈以都尉從軍六月封爲景侯食邑五百戶七年薨諡嚴侯子真粘嗣毛釋之以中涓從起豐以郎騎入漢還從擊諸侯六月封爲張侯食邑七百戶二十六年薨諡節侯子鹿嗣華朱以越連敖從起薛別以越將入漢擊諸侯以都尉六月封爲褒侯食邑九百戶孝惠七年薨諡端侯嗣子有罪不得代孝文二年式以朱

子紹封朱濞以卒從起豐入漢以都尉擊項籍臧荼十二月封爲僂陵侯食邑二千七百戶十一年薨諡嚴侯子慶嗣張平以中尉前元年從起單父不入關以擊籍擊布盧縮得南陽十二月封爲南侯侯食邑二千七百戶十二年薨諡嚴侯子勝嗣

注師古曰李必灌嬰傳云李必今此作李表傳不同當有誤

惠帝元年封吳淺爲便侯

按漢書惠帝本紀不載 按功臣表吳淺以父長沙王功九月封爲便侯食邑二千戶三十七年薨諡項侯子信嗣

惠帝二年封黎朱蒼爲軼侯

按漢書惠帝本紀不載 按功臣表黎朱蒼以長沙相四月封爲軼侯食邑七百戶八年薨子稀嗣

惠帝三年夏五月立閼越君搖爲東海王

按漢書惠帝本紀云云 按南粵傳初高祖擊項籍搖率越人佐漢孝惠三年舉高帝時越功曰閼君搖功多其民便附乃立搖爲東海王都東甌世俗號爲東甌王後數世至孝景三年吳王濞反東甌受漢購殺吳王吳王子怨殺其父借閼越兵圍東甌漢發兵救之東甌請舉國徙中國處江淮之間按年表自搖立至廣徙凡五十五年

惠帝五年夏封劉到爲平都侯

按漢書惠帝本紀不載 按功臣表劉到以齊將高祖三年定齊降六月封爲平都侯食邑千戶十三年薨諡孝侯

高后元年封張買等四人爲侯

按漢書高后本紀不載 按功臣表張買以父越人爲高祖騎將從軍以中大夫四月封爲南宮侯薨子生嗣陽城延以軍匠從起鄭入漢爲少府作長樂未央宮築長安城先就四月封爲梧侯食邑五百戶六年薨諡齊侯子去疾嗣齊受以卒從起雷以家車吏入漢以驍騎都尉擊項籍得樓煩將用齊丞相四月封爲平定侯九年薨諡敬侯子市人嗣馮無擇以悼武王郎中從高祖起豐攻雍共擊項籍力戰奉悼武王出榮陽四月封爲博成侯三年薨諡敬侯子代嗣

注師古曰悼武王高后兄周呂侯呂澤也高后追尊曰悼武王

吳陽以父長沙王功七月封爲沅陵侯二十五年薨諡頃侯子福嗣

高后二年詔差次列侯功定朝位藏之高廟

按漢書高后本紀高后二年春詔曰高皇帝臣勸天下諸有功者皆受分地爲列侯萬民大安莫不受休德朕思念至於久遠而功名不著亡以尊大設施後世今欲差次列侯功以定朝位藏於高廟世世勿絕嗣子各襲其功位其與列侯議定奏之丞相臣平言

謹與絳侯臣勃曲周侯臣商頰陰侯臣嬰安國侯臣陵等議列侯幸得賜餐錢奉邑陛下加惠以功次定朝位臣請藏高廟奏可

高后四年夏封諸功臣爲通侯

按漢書高后本紀不載 按功臣表朱進以執矛從入漢以中尉破曹咎用呂相四月封爲中邑侯食邑六百戶二十二年薨諡貞侯子悼嗣衛毋擇以除卒從起沛屬皇訢以郎擊陳餘用衛尉四月封爲樂平

從起沛屬皇訢以郎擊陳餘用衛尉四月封爲樂平

從起沛屬皇訢以郎擊陳餘用衛尉四月封爲樂平

從起沛屬皇訢以郎擊陳餘用衛尉四月封爲樂平

從起沛屬皇訢以郎擊陳餘用衛尉四月封爲樂平

從起沛屬皇訢以郎擊陳餘用衛尉四月封爲樂平

侯食邑六百戶三年薨諡簡侯子勝嗣王恬啓漢五年爲郎中柱下令以衛將軍擊陳稀用梁相四月封爲山都侯八年薨諡貞侯子中黃嗣徐厲以舍人從沛以郎中入漢還得雍王邯家屬用常山丞相四月封爲祝茲侯十一年薨諡夷侯子悼嗣周信以卒從起單父爲呂后舍人度呂后爲河南守四月封爲成陰侯食邑五百戶十六年薨諡夷侯子勃嗣呂它父嬰以連敖從高祖破秦入漢以都尉定諸侯功比朝陽侯死事四月封子它爲俞侯四年坐呂氏誅越以卒從漢二年起櫟陽以卒吏擊項羽爲河內都尉用長沙相四月封爲醴陵侯食邑六百戶孝文四年有罪免

文帝元年益封周勃等食邑封劉揭等爲通侯

按漢書文帝本紀元年冬十月辛亥皇帝見於高廟遣車騎將軍薄昭迎皇太后於代詔曰前呂產自置爲相國呂祿爲上將軍擅遣將軍灌嬰將兵擊齊欲代劉氏嬰留覺陽與諸侯合謀以誅呂氏呂產欲爲不善丞相與太尉勃等謀奪產等軍朱虛侯章首先捕斬產太尉勃身率襄平侯通持節承詔入北軍典客揭奪呂祿印其益封太尉勃邑萬戶賜金五千斤丞相將軍嬰邑各三千戶金二千斤朱虛侯章襄平侯通邑各二千戶金千斤封典客揭爲陽信侯賜金千斤正月封將軍薄昭爲軹侯六月詔曰方大臣誅諸呂迎朕朕狐疑皆止朕唯中尉朱昌勸朕朕已得保宗廟已尊昌爲衛將軍其封昌爲壯武侯又曰列侯從高帝入蜀漢者六十八人益邑各三百戶吏二千石以上從高帝潁川守尊等十人食邑六百

戶淮陽守申屠嘉等十人五百戶衛尉足等十人四百戶封淮南王舅趙兼爲周陽侯齊王舅駟鈞爲靖郭侯故常山丞相蔡兼爲樊侯按功臣表劉揭高祖十三年爲郎以典客奪呂祿印閉殿門止產等共立皇帝十一月封爲陽信侯食邑二千戶十四年薨諡夷侯子中意嗣宋昌以家吏從高祖起山東以都尉從景陽食邑以代中尉勸王驤乘入卽帝位四月封爲壯武侯食邑千四百戶景帝中四年有罪奪爵一級爲關內侯蔡兼以淮陽令高祖初從阿以韓家子還定北地用常山相六月封爲樊侯食邑千二百戶十四年薨子客嗣

注師古曰蔡兼本六國時韓家之諸子後更姓蔡也

按外戚恩澤侯表薄昭高祖七年爲郎從軍十七年以中大夫迎帝於代以車騎將軍迎皇太后正月封爲軹侯食邑萬戶十年坐殺使者自殺

文帝二年詔列侯就國

按漢書文帝本紀二年冬十月詔曰朕聞古者諸侯建國千餘各守其地以時入貢民不勞苦上下驩欣靡有違德今列侯多居長安邑遠吏卒給輸費苦而列侯亦無由教訓其民其令列侯之國爲吏及詔所止者遣太子

文帝三年詔免丞相勃遣就國

按漢書文帝本紀三年冬十一月詔曰前日詔遣列侯之國辭未行丞相朕之所重其爲朕率列侯之國遂免丞相勃遣就國

文帝七年封魏駟起二人爲通侯

按漢書文帝本紀不載按功臣表魏駟以陽陵君三月封爲汧陵侯十二年薨諡康侯亡後起以信平君三月封爲南鄉侯坐後父故削爵一級爲關內侯文帝十年封召奴爲黎侯

按漢書文帝本紀不載按功臣表召奴以父齊相四月封爲黎侯十一年薨諡頃侯子潰嗣

文帝十四年封孫單爲耕侯

按漢書文帝本紀不載按功臣表孫單父卬以北地都尉匈奴入力戰死事三月封爲耕侯孝景前三年坐反誅

文帝十六年封韓賡當爲弓高侯韓嬰爲襄城侯

按漢書文帝本紀不載按功臣表韓賡當故韓王子以匈奴相國降六月封爲弓高侯十六年薨諡壯侯韓嬰韓王信太子之子以匈奴相國降六月封爲襄城侯食邑二千戶七年薨諡哀侯子釋之嗣

文帝後三年封申屠嘉爲故安侯

按漢書文帝本紀不載按功臣表申屠嘉孝文二年舉淮陽守從高祖功用丞相四月封爲故安侯食邑五百戶七年薨諡節侯子共嗣

欽定古今圖書集成明倫彙編官常典

第一百三十二卷目錄

勳爵部彙考四

漢二 景帝九則 武帝元光二則 元朔六則
元二則 元鳳四則 元平一則 征和二則 昭帝始
元二則 地節三則 元康三則 神爵二則 建
五鳳二則 甘露一則 元帝初元一則 綏和
二則 永始一則 元延一則 成帝河平一則 鴻嘉
哀帝建平三則 平帝元始三則 孺子嬰居
攝二則

官常典第一百三十二卷

勳爵部彙考四

漢二

景帝二年夏六月封故丞相蕭何孫係為列侯

按漢書景帝本紀云云

景帝三年以襄平侯嘉子謀反詔赦其罪復嘉侯爵

封寶嬰為通侯

按漢書景帝本紀三年冬十二月詔曰襄平侯嘉子

恢說不孝謀反欲以殺嘉大逆無道其赦嘉為襄平

侯及妻子當坐者復故爵論恢說及妻子如法

晉灼曰紀通子也功臣表襄平侯紀通以父功

侯孝景三年康侯相夫嗣推其封薨正與此合豈

更名嘉乎

按外戚恩澤侯表寶嬰以將軍屯滎陽悍破吳楚七

國六月封魏其侯二十二年元光四年有罪棄市

景帝六年封樂布等為通侯

按漢書景帝本紀不載 按功臣表樂布以將軍吳

楚反擊齊四月封為俞侯食邑千八百戶六年薨子

賁嗣衛綰以將軍擊吳楚四月封為建陵侯食邑三
千一百五十戶二十一年薨諡哀侯子信嗣程嘉以
將軍擊吳楚四月封為建平侯食邑三千一百五十
戶十八年薨諡敬侯子橫嗣公孫渾邪以將軍擊吳
楚四月封為平曲侯食邑三千二百二十戶四年有
罪國除蘇息以將軍擊吳楚四月封為江陽侯食邑
二千五百四十一戶中二年薨諡康侯子盧嗣
景帝中元年夏四月封故御史大夫周苛周昌孫子
為列侯

按漢書景帝本紀云云

師古曰封苛之孫及昌之子也許昌皆嘗為御

史大夫而從昆弟也故總言之

景帝中二年定諸侯王薨諡誅弔聞及嗣封之制封

故楚趙傳相內史前死事者四人子為列侯

按漢書景帝本紀中二年春二月令諸侯王薨列侯

初封及之國大鴻臚奏諡諡策列侯薨及諸侯太傅

初除之官大行奏諡諡策王薨遣光祿大夫弔視祠

賁視喪事因立嗣子列侯薨遣大中大夫弔視喪

事因立嗣其薨葬國得發民輓喪穿復土治墳無過

三百人畢事秋九月封故楚趙傳相內史前死事者

四人子皆為列侯

文穎曰楚相張尚太傅趙夷吾趙相建德內史

王悍此四人各諫其王無使反不聽皆殺之故封

其子

按功臣表橫父建德以趙相不聽王遂反死事四月

封橫為建德侯千一百七十戶後二年有罪棄市國

注 師古曰橫史失其姓它皆類此
王棄之父悍以趙內史王遂反不聽死事四月封棄
之為新市侯邑千十四戶八年薨子始昌嗣趙周父
夷吾以楚太傅王戊反不聽死事四月封周為商陵
侯邑千四十五戶元鼎五年坐為丞相知列侯耐金
輕下獄自殺國除張當居父尚以楚相王戊反不聽
死事四月封當居為山陽侯邑千一百一十四戶元
朔五年坐罪國除

景帝中三年封于軍等為通侯

按漢書景帝本紀不載 按功臣表于軍以匈奴王

降十一月封為安陵侯邑千五百五十戶建元六年

薨亡後國除賜以匈奴王降十二月封為桓侯六年

賜死陸疆以匈奴王降十二月封為通侯邑千五百

七十戶薨子則嗣徐盧以匈奴王降十二月封為容

城侯邑七百戶七年薨諡攜侯子經嗣僕阻以匈奴

王降十二月封為易侯邑千一百十戶後三年薨亡

後范代以匈奴王降十二月封為范陽侯邑六千二

百戶十四年薨諡靖侯子德嗣邯鄲以匈奴王降十

二月封為翁侯元光四年坐罪國除

景帝中五年封盧它之為通侯

按漢書景帝本紀不載 按功臣表盧它之故燕王

盧綰子以匈奴東胡王降四月封為亞谷侯邑千戶

二年薨諡簡侯子種嗣

景帝後元年封直不疑為塞侯

按漢書景帝本紀不載 按功臣表直不疑以御史
大夫前將兵擊吳楚功八月封為塞侯邑千四十六
戶六年薨子相如嗣

景帝後二年冬十月省徹侯之國

按漢書景帝本紀云云

按文獻通考漢初封列侯猶有君國子民之意故文帝遣列侯就國之詔謂其居長安無由教訓其民也景帝既不令諸侯王治事故亦省徹侯之國蓋事權皆在其相所謂侯國者與郡邑無異矣按文帝二年詔列侯就國而多辭未行三年乃免絳侯相印令率列侯就國是強之使行也絳侯既就國每河東守尉行縣至絳勃自畏恐誅常被甲令家人持兵以見人遂言其欲反夫既曰畏罪恐誅而乃被甲持兵以待守尉欲何為耶勃不學無術不能處功名之際而徒以來議賊之口倘非遇孝文長者則不能全之矣然即此可以見當時功臣侯之就國者憂讓畏讓不能不見陵於守尉方其身都將相則聲勢赫奕與人主朋儕及其退就國邑則心懷畏懼視守尉如官長蓋封爵之寵同乎黜徙迫之乃行與古人建侯之意異矣

武帝元光三年夏五月封高祖功臣五人後為列侯

按漢書武帝本紀云云

元光四年封趙信為翕侯

按漢書武帝本紀不載 按功臣表趙信以匈奴相國降十月封為翕侯元朔二年擊匈奴功益封千六百八十戶六年敗降匈奴國除

元朔元年封樂為特轅侯

按漢書武帝本紀不載 按功臣表樂以匈奴都尉降九月封為特轅侯邑六百五十戶元鼎元年薨亡後國除

元朔二年封月氏等為通侯

按漢書武帝本紀不載 按功臣表月氏以匈奴相降十月封為親陽侯邑六百八十戶五年坐謀反入匈奴要斬國除猛以匈奴相降十月封為若陽侯邑五百三十戶五年坐謀反入匈奴要斬國除蘇建以都尉從車騎將軍擊匈奴功三月封為平陵侯五年用遊擊將軍從大將軍益封一千戶六年坐罪國除張次公以都尉從車騎將軍擊匈奴功三月封為岸頭侯益封凡二千戶五年坐姦免 按外戚恩澤侯表衛青以將軍擊匈奴取朔方功三月封為長平侯後破右賢王益封又封三千二百三十戶薨諡烈侯子伉五年以青功封宜春侯元鼎中坐罪免伉弟不疑五年以青功封陰安侯元鼎中坐酎金免不疑弟登以青功封發干侯坐酎金免

元朔三年封於單為列侯

按漢書武帝本紀不載 按功臣表於單以匈奴單于太子降四月封為涉安侯五年薨亡後

元朔四年封趙安稽築龍二人為列侯

按漢書武帝本紀不載 按功臣表趙安稽以匈奴王降七月封為昌武侯以侯從驃騎將軍擊左右王益封二十一年薨子充國嗣築龍以匈奴相國降七月封為襄城侯邑四百戶二十二年與泥野侯俱戰死事子病己嗣

元朔五年封功臣李蔡等為通侯

按漢書武帝本紀不載 按功臣表李蔡以將軍再擊匈奴得王四月封為安樂侯邑二千戶元狩五年坐罪自殺公孫敖以護軍都尉三從大將軍擊匈奴

至右王庭得王四月封為合騎侯六年從大將軍益封九千五百戶元狩二年坐罪免李朔以校尉三從大將軍擊匈奴至右王庭得虜閼氏功四月封為軹侯六年有罪免公孫戎奴以校尉三從大將軍擊匈奴至右王庭為雁行上石山先登四月封為從平侯食邑千一百戶元狩二年坐罪免趙不虞以校尉三從大將軍擊匈奴攻辰吾先登石壘四月封為隨城侯食邑七百戶元狩二年坐罪免

元朔六年詔置武功賞官封張壽等為通侯

按漢書武帝本紀元朔六年夏六月詔曰朕聞五帝不相復禮三代不同法所繇殊路而建德一也蓋孔子對定公以徠遠哀公以論臣景公以節用非期不同所急異務也今中國一統而北邊未安朕甚悼之日者大將軍巡朔方征匈奴斬首虜萬八千級諸禁錮及有過者咸蒙厚賞得免減罪今大將軍復克獲斬首虜萬九千級受爵賞而欲移賣者無所流馳其議為令有司奏請置武功賞官以寵戰士 按功臣表張壽以校尉從大將軍擊匈奴知道水及前使絕國大夏三月封為博望侯元狩二年坐罪免郝賢以上谷太守四從大將軍擊匈奴首虜千級以上五月封為衆利侯食邑千一百戶元狩二年坐罪免 按外戚恩澤侯表霍去病以校尉擊匈奴四月封為冠軍侯後以將軍破祁連迎昆邪王益封皇后姊子七年薨諡景桓侯子嬪嗣亡後

元狩元年夏賜中二千石爵右庶長秋封王援普為遼侯

按漢書武帝本紀元狩元年夏四月丁卯賜中二千

石爵右庶長 按功臣表王授訾以匈奴王降七月封爲潞侯食邑五百六十戶二年薨諡悼侯亡後元狩二年封趙破奴等爲通侯

按漢書武帝本紀不載 按功臣表趙破奴以司馬再從驃騎將軍擊匈奴得兩王千騎正月封爲從票侯食邑二千戶元鼎五年坐酎金免元封三年以匈奴河將軍擊樓蘭封泥野侯太初二年以浚稽將軍擊匈奴爲虜所獲軍沒高不識以校尉從驃騎將軍再擊匈奴正月封爲宜冠侯食邑一千一百戶四年坐罪免僕朋以校尉從驃騎將軍再出擊匈奴得王二月封爲輝渠侯後從驃騎將軍虜五王益封八年薨諡忠侯子雷電嗣延和三年擊匈奴沒諱毒尼以匈奴王降六月封爲下摩侯食邑七百戶九年薨子伊即軒嗣

元狩三年封蕭何曾孫慶及昆邪等爲通侯

按漢書武帝本紀三年夏五月封故相國蕭何曾孫慶爲列侯 按功臣表昆邪以匈奴昆邪王將衆十萬降七月封爲濕陰侯食邑萬戶四月薨諡定侯子蘇嗣應北以匈奴王降七月封爲輝渠侯元鼎三年薨諡愼侯亡後烏黎以匈奴右王與渾邪降七月封爲河綦侯食邑六百戶六年薨諡康侯子餘利靚嗣稠雕以匈奴大當戶與渾邪降七月封爲常樂侯食邑五百七十戶十八年薨子廣漢嗣亡後

注師古曰當戶匈奴官名也

元狩四年封路博德等爲通侯

按漢書武帝本紀不載 按功臣表路博德以右北平太守從驃騎將軍擊左王得重會期虜首萬二千

七百人六月封爲都離侯食邑千六百戶太初元年坐罪免

注師古曰得重得輜重也會期不失期也

衛山以北地都尉從驃騎將軍擊匈奴得王六月封爲義陽侯食邑千一百戶太始四年坐罪病死復陞支以匈奴歸義因執王從驃騎將軍擊左王以少破多捕虜三千一百六十戶封爲杜侯食邑三千三百戶五年薨子偃嗣伊即軒以匈奴歸義樓刺王從驃騎將軍擊左王手劍合六月封爲衆利侯食邑千一百戶十四年薨子當時嗣敞屠洛以匈奴符離王降六月封爲湘成侯食邑千八百戶元鼎五年坐酎金免董舍吾以匈奴都尉降六月封爲散侯食邑千一百戶十七年薨子安漢嗣雕延年以匈奴王降六月封爲威馬侯食邑八百七十戶五年薨諡康侯亡後

注師古曰手劍合手用劍而合戰也

元鼎四年封次公爲縣侯

按漢書武帝本紀不載 按功臣表次公以匈奴歸義王降六月封爲縣侯食邑七百九十戶五年坐酎金免

元鼎五年列侯坐獻黃金酎祭不如法奪爵封建德等爲通侯

按漢書武帝本紀元鼎五年秋九月列侯坐獻黃金酎祭宗廟不如法奪爵者百六人 按功臣表建德以南越王兄越昌侯三月封爲衛陽侯食邑三千戶四年坐罪誅謬廣德父樂以校尉擊南越死事三月封廣德爲龍侯食邑六百七十戶六年坐酎金免韓延年父千秋以校尉擊南越死事三月封延年爲

成安侯食邑千三百八十戶六年坐罪免渠復象以屬國大首渠擊匈奴五月封爲昆侯地節四年薨亡後駒綏以屬國騎擊匈奴捕單于兄功五月封爲騏侯食邑五百二十戶薨子督嗣任破胡以屬國都尉間出擊匈奴將軍索綝綬等七月封爲梁期侯薨子當千嗣太始四年坐罪國除 按外戚恩澤侯表石慶以丞相及父萬石積行九月封爲牧丘侯十年薨諡恬侯子德嗣

元鼎六年封畢取等爲通侯

按漢書武帝本紀不載 按功臣表畢取以南越將軍降三月封爲賸侯食邑五百一十戶薨子奉義嗣楊僕以樓船將軍擊南越摧鋒却敵三月封爲將梁侯元封四年坐罪免揭陽定以南越揭陽令漢兵至降三月封爲安道侯食邑六百戶薨子當時嗣趙光以南越蒼梧王聞漢兵至降四月封爲隨桃侯食邑三千戶薨諡項侯子昌樂嗣監居翁以南越桂林監聞漢兵破番禺諭駭駭民四十餘萬降五月封爲湘成侯食邑八百三十戶薨子益昌嗣蘇弘以伏波司馬得南越王建德七月封爲海常侯太初元年薨諡嚴侯亡後

元封元年封吳陽等爲通侯

按漢書武帝本紀不載 按功臣表吳陽以故東越衍侯佐繇王功正月封爲外石侯食邑千戶九年薨子首嗣黃同以故甌略左將斬西王功四月封爲下鄴侯食邑七百戶薨子奉漢嗣劉福以校尉從橫海將軍擊南越正月封爲繇嬰侯二年有舉免輟終古以軍卒斬東越徇北將軍閏月封爲繇見侯六年

楚諡嚴侯亡後建成以故東越建成侯與繇王斬餘

善閏月封為開陵侯食邑二千戶薨子祿嗣孫都以

南越郎漢軍破番禺為伏波得南越相呂嘉閏月封

為臨蔡侯食邑千戶薨子襄嗣居殷以故東越繇王

斬東越王餘善閏月封為東城侯食邑萬戶延和三

年坐罪要斬多軍以東越將軍漢兵至棄軍降封為

無錫侯食邑千戶子卯嗣喜以父棄故南海太守漢

兵至以越邑降封喜為沙都侯食邑二千四十戶太

初二年薨亡後

元封三年封王恢等為通侯

按漢書武帝本紀不載 按功臣表王恢以朝鮮將

漢兵至降四月封為平州侯食邑千四百八十戶四

年薨亡後韓陶以朝鮮相將漢兵圍之降四月封為

扶莒侯食邑五百四十戶延和二二年薨封終身不得

嗣

注 師古曰為相而將朝鮮兵

參以朝鮮尼谿相使人殺其王右渠降六月封為濫

清侯食邑千戶天漢二年坐罪下獄死

元封四年封稽谷姑等為通侯

按漢書武帝本紀不載 按功臣表稽谷姑以小月

氏右其王將眾降十一月封為驪茲侯食邑千九百

戶太初元年薨亡後王恢以故中郎將將兵捕得車

師王正月封為浩侯一月坐罪免杆者以小月氏王

將軍眾千騎降正月封為輒譚侯食邑七百六十戶

二年薨子勝嗣張路以朝鮮王子漢兵圍朝鮮降三

月封為幾侯六年使朝鮮謀反格死最以父朝鮮相

路人漢兵至首先降道死三月封最為涅陽侯太初

元年薨諡康侯亡後

太初四年封李廣利趙弟二人為通侯

按漢書武帝本紀不載 按功臣表李廣利以貳師

將軍擊大宛斬王四月封為海西侯食邑八千戶延

和三年擊匈奴兵敗降趙弟以貳師將軍騎士斬郁

成王首四月封為新時侯太始三年有罪免

注 師古曰郁成西域國名也

太始三年封續相如成婉為通侯 按表成婉不知封

於此

按漢書武帝本紀不載 按功臣表續相如以使西

域發外王子弟誅斬扶桑王首虜二千五百人五月

封為承父侯食邑千五百五十戶延和四年坐罪要斬

成婉以故匈奴介和王將兵擊車師封為開陵侯不

得封年薨子順嗣

征和二二年封商丘成等為通侯

按漢書武帝本紀不載 按功臣表商丘成以大鴻

臚擊衛太子力戰亡它意七月封為稅侯食邑二千

一百二十戶後二年坐罪自殺葬通以待郎發兵擊

反者七月封為重合侯食邑四千八百七十戶後二

年坐謀反要斬景建以長安大夫從葬通共殺如侯

得少傅石德七月封為德侯食邑三千七百三十五

戶後二年坐謀反要斬張富昌以山陽卒與李壽共

得衛太子九月封為題侯食邑八百五十八戶後二

年為人所賊殺李壽以新安令史得衛太子九月封

為邗侯食邑一百五十戶三年坐罪誅江喜以圉胥

夫捕反者故城父令公孫勇十一月封為轅陽侯食

邑千一百二十戶薨子仁嗣魏不害以圉守尉捕反

者淮陽胡倩侯十一月封為當塗侯子聖與議定策

益封食邑二千二百戶薨諡康侯子聖嗣蘇昌以圉

小史捕反者故越王千鄒起十一月封為蒲侯食邑

千二十六戶坐罪為民

征和四年封孫王為承父侯

按漢書武帝本紀不載 按功臣表孫王以告反者

太原白義等三月封為承父侯食邑千一百五十戶

始元元年坐罪赦免

昭帝始元二年封霍光上官桀金日磾為侯

按漢書昭帝本紀始元二年春正月大將軍霍光左

將軍上官桀皆以前捕斬反虜重合侯馬通功封光

為博陸侯桀為安陽侯 按功臣表金日磾以駙馬

都尉發覺侍中莽何羅反封為稅侯食邑二千二百

一十八戶一日薨子賞嗣 按外戚恩澤侯表霍光

以奉車都尉捕反者莽何羅正月封為博陸侯食邑

二千三百五十戶後以大將軍益封萬七千二百戶

十七年薨諡宣成侯子禹嗣上官桀以駙都尉捕反

者莽何羅正月封為安陽侯食邑二千三百戶女孫

為皇后元鳳元年反誅

始元六年立母波為鉤町王賜廣明爵關內侯

按漢書昭帝本紀六年秋七月詔曰鉤町侯母波率

其君長人民擊反者斬首捕虜有功其立母波為鉤

町王大鴻臚廣明將率有功賜爵關內侯食邑

元鳳元年封杜延年等為侯

按漢書昭帝本紀元鳳元年冬十月詔曰左將軍安

陽侯桀驃騎將軍桑落侯安御史大夫弘羊皆數以

邪枉干輔政大將軍不聽而懷怨望與燕王通謀置

驛往來相約結燕王遣壽西長孫縱之等賂遺長公主丁外人謁者杜延年大將軍長史公孫遺等交通私書共謀令長公主置酒伏兵殺大將軍光徵立燕王為天子大逆毋道故稻田使者燕倉先發覺以告大司農敞敞告諫大夫延年延年以聞丞相徵事任官手捕斬桀丞相少史王壽誘將安入府門皆已伏誅吏民得以安封延年倉官壽皆為列侯

蘇林曰壽西姓也長名也孫姓縱之名服虔曰外人主之所幸也師古曰此杜延年別自一人下諫大夫杜周之子敞楊敞也

按功臣表杜延年以諫大夫告左將軍等反七月封為建平侯食邑二千戶以太僕與大將軍先定策益封二千三百六十戶二十八年薨諡敬侯子緩嗣燕倉以假稻田使者先發覺左將軍桀等反謀告大司農敞七月封為宜城侯子安制戶六百定食邑七百戶六年薨諡戴侯子安嗣任官以故丞相徵事手捕反者左將軍桀七月封為陽侯食邑九百一十五戶三十三年薨諡節侯子千秋嗣王山壽以丞相少史誘反者車騎將軍安入丞相府七月封為商利侯食邑九百一十五戶元康元年坐罪國除

元鳳三年封郭忠為成安侯

按漢書昭帝本紀不載 按功臣表郭忠以張掖屬國都尉匈奴入寇與戰斬黎汗王二月封為成安侯食邑七百二十四戶七年薨諡嚴侯子遷嗣

元鳳四年封范明友等為侯

按漢書昭帝本紀四年夏四月詔曰度遼將軍范明友前以羌騎校尉將光王侯君長以下擊益州反虜

後復率擊武都反氏今破烏桓斬虜獲生有功其封明友為平陵侯平樂監傳介子持節使誅斬樓蘭王安歸首縣北關封義陽侯 按功臣表范明友以校尉擊反氏後以將軍擊烏桓獲王虜首六千二百七月封為平陵侯與大將軍光定策益封凡二千九百二十戶地節四年坐謀反誅傳介子以平樂監使誅樓蘭王斬首七月封為義陽侯食邑七百五十九戶元康元年薨嗣子有罪不得代 按外戚恩澤侯表王訢以丞相二月封為宜春侯子譚與大將軍光定策益封坐法削戶五百定六百八戶二年薨諡敬侯子譚嗣

元鳳六年封張安世陽敞為通侯

按漢書昭帝本紀六年夏詔曰右將軍張安世宿衛忠謹封富平侯 按外戚恩澤侯表陽敞以丞相二月封為安平侯食邑七百戶與大司馬大將軍光定策益封子忠凡五千五百四十七戶一年薨諡敬侯子忠嗣張安世以右將軍光祿勳輔政勤勞十一月封為富平侯以車騎將軍與大將軍光定策益封凡萬三千六百四十戶十三年薨諡敬侯子彭祖嗣元平元年孝宣帝即位秋九月封蔡義為陽平侯

按漢書宣帝本紀不載 按外戚恩澤侯表蔡義以丞相九月封為陽平侯前為御史大夫與大將軍光定策益封凡七百戶本始四年薨無後

宣帝本始元年以定策功封霍光張安世等邑戶各有差封田廣明等為通侯賜周德蘇武等爵皆關內侯

按漢書宣帝本紀本始元年春正月論定策功臣封侯

大將軍光萬七千戶車騎將軍光祿勳富平侯安世萬戶詔曰故丞相安平侯敞等居位守職與大將軍光車騎將軍安世建議定策以安宗廟功賞未加而薨其益封敬侯子忠及丞相陽平侯義度遼將軍平陵侯明友 按功臣表前將軍龍維侯增建平侯延年 按功臣表太常蒲侯昌諫大夫宜春侯譚王當塗侯平 按功臣表杜侯屠者堂長信少府關內侯勝 按功臣表 邑戶各有差封御史大夫廣明 按功臣表 後將軍充國 按功臣表 為營平侯大司農延年 按功臣表 城侯少府樂成 按功臣表 為愛氏侯光祿大夫遷王為平丘侯賜右扶風德 按功臣表 典屬國武 按功臣表 廷尉光祿大夫吉 按功臣表 地元王之會大鴻臚賢 按功臣表 賢詹事騎光祿大夫吉 按功臣表 京輔都尉廣漢 按功臣表 爵皆關內侯德武食邑

按師古曰功臣表云魏不害以捕反者功封當塗侯其子聖以定策功臣封凡二千二百戶今此紀言當塗侯平與表乖錯未知孰是或者有二名乎

蘇林曰屠者堂姓復陸其祖父復陸支本匈奴也歸義為屬國王從驃騎有功乃更封也張晏曰舊關內侯無邑也以蘇武守節外國劉德宗室後彥故特令食邑

按外戚恩澤侯表趙充國以後將軍與大將軍光定策功八月封為營平侯食邑二千二百七十九戶二十二年薨諡壯侯子弘嗣王遷以光祿大夫與大將軍光定策功八月封為平丘侯邑二千二百五十三戶地節二年坐罪自殺田廣明以鴻臚擊武都反氏賜爵關內侯以左馮翊與大將軍光定策八月封為昌水侯食邑二千七百戶三年坐罪自殺田延年以大司

農與大將軍先定策功八月封爲陽城侯食邑二千四百五十三戶二年坐罪自殺樂成以少府與大將軍光定策功八月封爲愛氏侯食邑二千三百二十七戶二年薨諡肅侯子輔嗣

注師古曰杜周傳作史樂成霍光傳作使樂成今此云姓便三者不同疑表誤

本始二年封韋賢爲扶陽侯

按漢書宣帝本紀不載 按外戚恩澤侯表韋賢以丞相六月封爲扶陽侯食邑七百一十一戶十年薨諡節侯子元成嗣

本始三年封常惠爲長羅侯

按漢書宣帝本紀三年夏五月校尉常惠將烏孫兵入匈奴右地大克獲封列侯 按功臣表常惠以校尉光祿大夫持節將烏孫兵擊匈奴獲名王首虜三萬九千級四月封爲長羅侯食邑二千八百五十戶二十四年薨諡壯侯子成嗣

地節二年封霍山爲樂平侯趙長年爲愛戚侯

按漢書宣帝本紀地節二年春三月大司馬大將軍光薨詔曰大司馬大將軍博陸侯宿衛孝武皇帝三十餘年輔孝昭皇帝十有餘年遭大難躬秉義率三公諸侯九卿大夫定萬世策以安宗廟天下蒸庶咸以康寧功德茂盛朕甚嘉之復其後世爵其爵邑世世母有所與功如蕭相國夏五月上始親政事又恩報大將軍功德乃復使樂平侯山領尚書事 按功臣表趙長年以平陵大夫告楚王延壽及四月封爲愛戚侯食邑千五百三十戶十七年薨諡靖侯子祈嗣 按外戚恩澤侯表霍山以從祖祖父大將軍光

功四月封爲樂平侯食邑三千戶四年坐謀反誅地節三年賜王成爵關內侯以立皇太子賜御史大夫及中二千石爵封霍雲魏相爲通侯

按漢書宣帝本紀三年春三月詔曰蓋聞有功不賞有罪不誅雖唐虞猶不能以化天下今膠東相成王勞求不怠流民自占八萬餘口治有異等其秩成中二千石賜爵關內侯夏四月戊申立皇太子賜御史大夫關內侯中二千石爵右庶長 按王成傳王成爲膠東相治甚有聲宣帝最先褒之三年賜爵關內侯未及徵用會病卒官 按外戚恩澤侯表霍雲山弟以大將軍光功四月封爲冠陽侯食邑千八百戶四年坐謀反誅魏相以丞相六月封爲高平侯食邑八百一十三戶八年薨諡憲侯子弘嗣

地節四年封鄼侯蕭何曾孫建世及史高爲通侯 按漢書宣帝本紀四年春二月封故鄼侯蕭何曾孫建世爲侯 按功臣表張章以長安男子先發覺大司馬霍禹等謀反以告期門董忠忠以聞八月封爲博成侯食邑三千九百一十三戶九年薨子建嗣董忠以期門受張章言霍禹謀反告左曹楊惲八月封爲高昌侯再坐法削戶千一百定食邑七十九戶九年薨諡壯侯子宏嗣楊惲以左曹中郎受董忠等言霍禹等謀以告侍中金安上八月封爲平通侯食邑二千五百戶五鳳二年坐罪免金安上以侍中中郎將受楊惲言霍禹等反謀傳言止內霍氏禁關八月封爲都成侯食邑千七百七十七戶十一年薨諡敬侯子常嗣 按外戚恩澤侯表史高以悼皇考舅子侍中關內侯與發霍氏姦八月封爲樂陵侯食邑二千三百戶十四年薨諡安侯子術嗣

元康元年復高帝功臣子孫 按漢書宣帝本紀元康元年夏五月復高皇帝功臣絳侯周勃等百三十六人家子孫令奉祭祀世世勿絕其母嗣復其次 元康三年封丙吉等爲通侯

按漢書宣帝本紀三年春三月詔曰朕微眇時御史大夫丙吉中郎將史會史元長樂衛尉許惲侍中光祿大夫許延壽皆與朕有舊恩及故掖庭令張賀輔導朕躬修文學經術恩惠卓異厥功茂焉詩不云乎無德不報封賀所子弟子侍中中郎將彭祖爲陽都侯追賜賀諡曰陽都哀侯吉曾元延延壽皆爲列侯故入下至郡邸獄復作書有阿保之功皆受官祿田宅財物各以恩淺深報之 按外戚恩澤侯表史會以悼皇考舅子侍中中郎將關內侯有舊恩二年三月封爲將陵侯食邑二千二百戶四年薨諡哀侯亡後史元以悼皇考舅子侍中中郎將關內侯有舊恩二年三月封爲平臺侯食邑千九百戶二十五年薨諡康侯子恁嗣許惲以皇太子外祖父同產弟長樂衛尉有舊恩二年三月封爲博望侯食邑千五百戶四年薨諡頃侯子敞嗣許延壽以皇太子外祖父同產弟侍中關內侯有舊恩二年三月封爲樂成侯食邑千五百戶十年薨諡敬侯子湯嗣丙吉以御史大夫關內侯有舊恩功德茂二年二月封爲博陽侯食邑千三百三十戶八年薨諡定侯子顯嗣張彭祖以安世父故掖庭令賀有舊恩三年三月封爲陽都侯食邑千六百戶神爵四年爲小妻所殺 按表惟張彭祖係三年封